

欽州志

第陸本

卷之八

宦蹟志

卷之九

人物志

欽州志卷之八

宦蹟志

宦績

謫宦

流寓

宦績

漢

馬援字文淵扶風茂陵人歸光武爲虎賁中郎將  
建武十七年交阯女子徵側徵貳反攻沒其郡九  
真日南合浦蠻夷皆應之寇掠嶺外六十餘城於  
是璽書拜援伏波將軍督樓船將軍段志等南征  
交阯軍至合浦志病卒詔援並將其兵遂緣海而

欽州志

卷八

宦蹟

一

進隨山刊道千餘里十八年軍至浪泊上與賊戰  
大破之明年正月斬徵側徵貳傳首洛陽封援爲  
新息侯進擊徵側餘黨都羊等斬獲五千餘人嶠  
南悉平立銅柱爲漢之極界援所過輒爲郡縣治  
城郭穿渠灌溉以利其民條奏越律與漢律駁者  
十餘事與越人申明舊制以約束之自是駱越奉  
行馬將軍故事云二十年秋振旅還京師初援在  
交阯常服薏苡實用能輕身省慾以勝瘴氣軍還  
載之一車及征武陵蠻道卒有譖之者以前所載  
皆明珠文犀帝怒妻孥惶懼不敢以喪歸舊瑩藁  
葬城西建初三年章帝使持節追策諡曰忠成侯

所在皆爲立廟其在烏雷山者爲援緣海進軍所經之路至於三口浪乃援射滅遺蹟實握華夷天

險云

舊志引後漢書

陳

甯逵冀州臨瀍人梁武帝除定州刺史總督九州諸軍事陳宣武帝除授安州刺史烏武獠地多瘴毒中者不能飲藥故自鑿齒是謂鑿齒之民中土人至者恒苦瘴癘不樂久居逵因地制宜修其教不易其俗蠻獠歸之馳千載仁風擁六竒高辯警加木鐸訓悅過庭所以繁衍穆陵盤根閩越世爲

南平渠帥

據南蠻傳甯贊碑纂輯

欽州志

卷八

宦蹟

二

隋

令狐熙字長熙敦煌人也開呈中以嶺南夷數起亂徵拜桂州總管十七州諸軍事許以便宜從事刺史以下官得承制補授熙至部大宏恩信其溪洞渠帥更相謂曰前總管皆以兵威相脅今者乃以手教相諭我輩其可違乎於是相率歸附先是州縣生梗長吏多不得之官寄政於總管府熙悉遣之爲建城邑開設學校民燠化焉時有甯猛力者與陳後主同日生自言貌有貴相在陳世已據南海平陳後文帝因而撫之卽拜安州刺史然驕倨恃險未嘗叅謁熙手書諭之申以交友之分其

母有疾復遺以藥猛力感之詣府請謁不敢爲非  
熙以州縣多有同名於是奏改安州爲欽州在職  
數年上表請解所任優詔不許北史本傳

唐

李邕字泰和江都人以文章顯累官殿中侍御史  
左遷爲陳州刺史會仇人告邕賊罪下獄當死許  
昌男子孔璋上書願以身代邕死疏奏邕得未減  
貶欽州遵化尉邕負重名所至聚觀如堵至欽暫  
罕來者乃讀兵書巡崗往來飲欽江之水以爲醴  
泉不是過也爲文祭之感時傷事作六公詩以美  
張柬之桓彥範敬暉袁恕己崔元緯狄仁傑盡忠

欽州志

卷八

宦蹟

三

唐室因自寄焉後從中官楊思勗討嶺南有功徙  
澧州司馬起爲括州刺史歷刺淄滑二州出爲北  
海太守爲李林甫所陷傳他獄杖殺之代宗朝贈  
秘書監入祀名宦舊志參府

宋

徐的字公準福建建安人擢進士第補欽州軍事  
推官欽土煩鬱人多死瘴癘天聖元年的請徙州  
治瀕水可無患詔從之因畱的使辦役的短衣持  
梃與役夫同勞苦築城郭立樓櫓以備戰守畫地  
居民建置府舍倉庫溝渠厪肆之類民皆便之遷  
工部郎中直昭文館入祀名宦舊志參府

魏瓘字用之歙人提點廣南西路刑獄邕州獠戶緣逋賦沒婦女爲傭者一千餘人悉奏還其家就除轉運使劉鋹時計口以稅雖舟居皆不免至仁宗時欽廉猶未除瓘爲條陳民害悉除之欽廉之罹於橫征暴斂者如出水火而登衽席後知廣州多懋績儂智高入寇獨廣州城堅守不能下論功遷工部侍郎集賢院學士

通志 志 參 府 輯

余靖字安道曲江人舉進士皇祐四年蠻賊儂智高陷邕州破嶺南州縣圍廣州乃卽廬中起靖經制廣州賊復走邕州靖策其必結援交趾而脅諸崗以自固先攜其黨使不得與智高合仍與狄青

欽州志

卷八

宦蹟

四

選敢死士入持磨道襲取智高母及其弟一人俘於京師斬之嘉祐五年交趾蠻申紹泰寇欽州天子以恩信著於嶺外爲交趾所畏服者無踰於靖驛召爲廣西體量安撫使悉發荆湖兵以從靖至移檄交趾召其用事之臣費嘉祐詰責之嘉祐惶恐請罪願歸取首惡以獻卽械五人送欽州斬於界上靖經制五管前後十年凡治九州所至有惠愛英宗立拜工部尙書代還道卒所著奏議三史刊疑武溪集行於世

舊志 志 參 府 輯

陶弼字商翁湖廣永州人少倜儻喜談兵慶厯中從安撫楊旼討南獠及儂智高以功遷陽朔令厯

知欽州撫綏安集重葺州城疏濬濠塹郡治愈固興學造士仁宗下璽書褒之尤長於詩政暇多題咏始著州志好士樂施所得俸祿悉以與人擢知邕州去日欽民攀留者至截橋塞巷四境立陶父碑以誌不忘有書奏十八卷建中靖國間編次勲臣弼與焉入祀名宦

孔延之字長源江西新淦人幼孤自刻勵晝耕讀書隴上夜燃松膏繼之讀輒達旦學業大成鄉舉進士第一遂中謀科授欽州軍事推官欽廉二州蠻戶以採珠爲富人所役屬奪使自爲業者六百家皆定著令終知潤州熙寧七年卒自欽州九遷

欽州志

卷八

宦蹟

五

至尙書司封郎中賜服緋魚

俱同上

溫燾有才名曾鞏草勅云欽有兵民之寄而地在疆場間當才武之臣爾以能進往祇厥職尙思綏靖以副簡求欽哉燾知欽州稱職

舊志

陳永齡福建人熙寧間知欽州時劉彝聽偏校言以爲安南可取大治戈船交人來互市悉皆遏絕疏訴亦不得達八年十一月交趾大舉入寇永齡

率兵固守城陷不屈而死

舊志年  
紀參輯

李英字子厚高要人天聖中同學究出身因辟薦歷欽州推官所至以廉能稱熙寧中欽州守臣寡謀起釁交人出其不意攻城陷之英以死守一家

殲於刃者十有三人

明統志云  
儂寇之難

神宗聞而悼之贈

比部郎中詔錄其季子忠爲班行從弟表爲三班

忠乃招魂葬之祿村建祠祀之號比部廟

通志  
志參舊  
輯

楊友福建晉江人政和二年武舉及第紹興初知

欽州有德政先是交阯與前守爭鹽利謀舉兵友

至遣使通好宴交使於天涯亭交使語次欲爭地

界友植鐵槍於亭謂曰若欲地界請鏖戰使者語

塞臨別作詩其末章云可憐鱗細閒驚躍誤把新

蟾作釣鈎交使服其文事武備嘆誦惕息而退奸

謀遂寢郡人呼爲楊鐵槍云擢知廉州府入祀名

宦

舊志

欽州志

卷八

宦蹟

六

岳霖字商卿河南相州人鄂武穆王飛之次子淳

熙二年知欽州有功德拓建學宮愛民禮士政通

人和交阯入貢譯使肆毀驛舍霖封劔示其都監

曰若不葺而行當以軍法相待譯使畏其威繕而

後行歷州境咸斂戢四年秩滿召還入祀名宦

舊志

阮通志  
參輯

趙荆字道授本省昌化人生時父夢一道人以手

簡書荆字授之因以爲名字紹興甲戌中南省進

士第淳熙中官至朝奉郎欽州推官老能戒得以

廉幹著名

舊志

馬持國字鯁臣新會人紹興中以策干督府張浚

不合求去淳熙中補嘉州文學改廸功郎特改授  
宣教郎持國以國之恥未雪講解之謀爲非和議  
既不可破乞調廣東鹽幕許之及視事新會舊有  
白皮鹽場爲民戶擾力請罷之蠶戶丁錢爲州縣  
迫促亦請蠲之光宗紹熙中通判欽州不貿交貨  
遠近爲之退讐欽人爲之立祠持國力學有大志  
每語及恢復輒泣下後竟奉祠歸壽八十餘卒

戴通

志廣州  
列傳

楊大異字同伯醴陵人嘉定十三年進士授衡陽  
主簿有惠政調龍泉尉移安遠尉邑有峒寇擾民  
官兵致討積年弗獲檄大異往治之大異以一僕

欽州志

卷八

宦蹟

七

負告身自隨肩輿入賊峒傳呼尉至賊露刃成列  
以待大異不爲動徐諭以禍福皆伏地叩頭願改  
過自新畱告身爲質偕其渠魁數輩出降以功遷  
吉州戶曹後進直秘閣提點廣東刑獄

府志

洪芹鄱陽人尙書右僕射适之曾孫以大父澤入  
官甫更調登進士第自南平司法改欽州教授部  
使者愛其才先後並薦之

通志引宋  
史本傳

馬璽岩昌人父叔昆弟皆以忠勇爲時名將而璽  
與其兄塋尤顯咸淳中擢知欽州殫力撫綏諸蠻  
邊境安堵徙知邕州後總軍靜江元兵攻之城破

死於難

舊志



李文著如洪砦主殿直大中祥符二年蠻人劫海口蠻戶文著以輕兵掩襲遂中流矢死詔督安南

捕賊明年執狄獠十三人以獻府志引交趾傳

宋士堯思凜營巡檢嘉祐四年交趾蠻遣申紹泰

寇思凜營士堯拒戰死之府志紀事

按二人雖職官志不載其名然皆有死封疆之義故附記於此

元

凍阿朮洛陽人世祖朝任欽州達魯花赤勤於政務興學校開屯田增軍儲置義倉招流民仁政旁

洽州人思之入祀名宦舊志

欽州志

卷八

宦蹟

八

明

郭儁洪武四年任欽州府同知首蒞邊郡治民事神百廢具修凡北壇南壇建置合宜至今猶循規制築城浚濠修整衙署鼎新天涯亭並如昔沿海諸司署亦親爲營度後來雖屢經遷徙而創建遺

蹟到今稱之據舊志纂輯

何淑川麗水人洪武癸酉由人材授知欽州以廉能著膺寵所屬長墩鎮官林佛祖盤詰擒獲守禦百戶胡金之子與家人私販番貨胡椒十八裹解人及椒至州淑川方遣人逮其家屬金令軍吏楊春賄以白金請免解送淑川拒不從竟械繫並所

賄送廣東道御史問理既得實發審大理引奏喜其廉能命依律犯者處斬仍籍其家貲悉賞淑川

云

舊志引雙槐歲抄

蔡惟溥福建晉江人永樂三年由進士知香山性純篤喜怒不形勸勉學校招集逃民驅除虎患閭里以安陞知欽州爲政如香山撫字哀鴻芟翦豪猾慎固封疆消弭邊釁州人尤蒙其福入祀名宦

舊志府志叅輯

林錦字彥章號雙溪福建連江人景泰初由鄉貢授合浦訓導時蠻寇充斥錦規畫合宜都御史葉盛異之奏擢知靈山成化丙戌以功擢廉州太守

欽州志

卷八

宦蹟

九

四年上官文薦請改授憲職令專備欽廉羣盜乃以爲按察僉事益勤於政己丑出巡欽州因密邇交夷以修城浚濠爲先務儒學舊在城外壞且盡以海北道署爲明倫堂買堂左民基作文廟別建海北道行署於城西北又治驛館舖舍咸次第整飭焉久之進副使錦以部屢有盜思爲經久計乃計設團河營於西設新寮於南而別設洪崖營以杜諸寇出入路十四年兵部上其撫輯功被賚錦自令至守臬一以教化爲務靈山尙鬼則禁淫祠修學校勸農桑其治欽廉皆飭學宮興文教爲人誠實洞見肺腑猺蠻莫不愛信其在戎行與士卒

同甘苦有功輒推以與人以故士多效死前後三十餘年皆爲邊民造福欽人立祠以祀後以次崖林公同祀卽今三賢祠是也

舊志府志通志參輯

陳淳字德溫鄞人景泰癸酉舉人知欽州時靈山民有死獄株連數百人會大暑狴戶皆滿淳止繫當罪者數人餘皆出之守大怒淳引法力爭竟不能屈舊有義倉儲穀二萬餘石積爲豪強所侵悉徵理之歲適大侵民賴以活撫按賢之以廉州知府會薦命未下而卒

阮志引浙江通志

徐珪

舊秩官志作徐奎

字良璧開化人以會試乙榜授欽

州牧欽民以魚爲業前此賦繁而魚徙珪反其政

### 欽州志

#### 卷八

宦蹟

十

魚復還民建還魚亭以誌之

同上

李純字在誠福建莆田人正德六年由進士知欽州爲人正大處事公平杜絕私門苞苴不入興學校治豪猾北障江水迴護州城其勞尤著蜚民作亂海上盡削平之安南僭王兵敗抵欽餽金求容屢却不受逐之出境入祀名宦

舊志

謝惠欽州所百戶領備倭事正德八年八月交阯入寇惠率官兵往禦於淡水灣賊衆兵寡力戰死

之

同上

林希元字茂貞號次崖福建同安人正德丁丑進士督學嶺南入丞大理嘉靖十五年以建言謫知

欽州時方力殫財絀寇盜孔棘希元開誠以先物  
約身以裕用塞弊孔興廢墜廣建社學置勸農使  
設立屯田增修營堡教養其民而捍衛之至於遷  
建學宮與諸生究聖賢奧旨修輯志乘爲一州存  
文獻舊章尤其大者歷任三年陞海北道僉事道  
鎮海北洞察益熟規恢益大嚴正不撓豪猾屏跡  
凡所經制皆可垂之永久者有次崖存疑講義文  
集行世欽人立祠與林錦並祀又祀於名宦祠同上  
許鎮廉州所百戶嘉靖二十七年冬十月安南賊  
范子儀剽掠欽廉鎮率兵禦之於龍門港戰敗死  
之舊府志

欽州志

卷八

宦蹟

十一

劉汝翱江西萬安人萬曆五年由舉人知欽州襟  
懷仁厚政存大體寓撫字於催科欽地僻民窮百  
姓嗇於銀錢雖雞豚菽帛亦允如價輸賦四民便  
之清丈田畝奉法如例豪猾不得兼併吏書不敢  
挪移州中耆稚咸樂就之如慈父母以秩滿去任  
舉州遮畱弗得相率扶老攜幼送至靈山爲勒石

誌遺愛於天涯亭焉

舊志 阮通 參輯

周邦爵湖廣施州人萬曆十二年由河南通判擢  
守欽州黜煩苛主寧靜忠誠化下政簡刑清遷巒  
序以振士風綏邊疆以康兆庶欽民至今猶懷遺

愛

舊志

董廷欽福建閩縣舉人萬曆十九年以國子監博士出守欽州甫下車諮訪民瘼創興學校設立義倉以備災祲革攢造陋規增黃土營兵建平南浮橋善政不能枚舉三年報最陞韶州府同知百姓遮畱廷欽曰吾何德政煩苦我父老爲也乃循海去不用夫役士民至今思之立碑以誌不忘同上

王世守字約吾四川合州貢生萬曆二十三年知欽州平易近人興利革弊費出不經者悉爲請豁如馬戶派養馬草料里甲有頂役耗頭皆罷之條陳凡九事歲省千金又計擒叛酋以靖閭閻擇遷學宮以資絃誦尤善政之大者以州志剝蝕爲捐

欽州志

卷八

宦蹟

十二

金翻刻焉

舊志 參郝通

王性字子善號致菴江南合肥歲貢萬曆二十六年知欽州忠信剛決不避權貴值夷賊都勇聚衆大海玳瑁島誘近彝啼雞松逕雲插木魚諸村爲嚮導刦掠防城埗淪等處延至內地刀鞘嶺性到任即單舸入四村諭以恩信同飲食者三日咸感服願爲前鋒遂提兵衝波襲破玳瑁賊窠平之內監李鳳林採珠索螺筐螺夫甚急左右緣以爲奸力裁抑之虐燄始熄里民陰受其福舊志 參府

陳俊三水歲貢萬曆三十三年任欽州學正模範端嚴器宇樂易談藝終日不倦士有屈者代伸之

歲收學租等差分給又以學舖地十間與諸生輪供文昌春秋祀典臨去捐俸三十金議造文昌閣於鰲魚洲以培風水惜守藏者乾沒弗竟厥志欽人至今思之豎碑以誌不忘

舊志

李嘉諭福建上杭貢生任欽州學正萬曆三十五年十二月交趾賊翁富突入圍城署州以散餉公出城遂陷嘉諭被執罵賊不屈死之

舊志 府志 參輯

祝國泰餘姚人武進士灑洲中軍守備萬曆三十六年正月二十六日交賊船二百餘隻復寇欽州至龍門國泰領兵衝之殺賊百計賊勢披靡明日益衆來圍士卒以衆寡不敵爲言國泰厲聲曰龍

欽州志

卷八

宦蹟

十三

門乃欽之咽喉萬有一失不重誤欽人乎寧死無退與守哨百戶孔榕併力迎敵從辰至未力戰不休會潮淺船膠遂遇害剖腹焚屍聞者傷焉灑洲張遊擊立廟祀之

舊志

孔榕廉州所百戶守龍門哨萬曆三十六年正月與祝國泰協戰禦交趾賊外無援兵矢石俱盡敗死州人立廟祀之

朱子連合浦人廉營哨官萬曆三十六年春交趾賊乘龍門之勝進薄州城子連率兵戰於南屯之朱家港口手刃數賊賊佯北子連追之遇伏遂被

害

俱同上

曾遇四川富順舉人廉府同知萬曆三十五年冬署州事精明果斷剔蠹釐奸不匝月以散餉之永安交阯賊乘虛陷城聞報馳回賊已散去遇拊循其民傷者給醫死者助棺益嚴守備三十六年春賊復來寇圍州城遇與指揮黨宏謨協力禦之賊不敢犯是年冬大征兵鱗集將士驕悍民甚苦之遇力遏其燄一切運糧夫役挺身力任民賴以甦欽人德之立碑以記立祠以祀焉

舊志府志參輯

彭名世江西廬陵舉人萬曆三十六年任欽州剛正不屈時值大征兵將驕悍民且不堪名世遏其豪橫運糧請易以兵又把總販糴私通海外名世

欽州志

卷八

宦蹟

十四

徑劾按之不少貸因乞辭官去至靈山當道苦畱返任甚憤冒籍出貢者水脚存而不給欲爲申請

惜未果後竟告去

舊志參輯

何斌臣字和陽山陰武進士萬曆三十七年任欽州守備文武全才智勇足備徙大營於南屯時訓練嚴鎖鑰布置有方捍禦無虞暇與文士談經吟咏唱和尤善楷書進征海南抱由黎賊有功陞南頭叅將累官左都督總兵官有七書注疏行世

舊志

馬中超廣西全州舉人萬曆四十三年知欽州正已率物禁差役下鄉騷擾革保長更替紙價事有不便於民者嚴立禁以爲之防時賊黃慶忠剽掠

爲患中超曉喻招撫之又條請開復西門設墟場  
於河之對岸便民交易重修五湖亭彷彿陶林二  
公餘烈惜以丁艱去

舊志郝通  
志參輯

吳國藩廣西灌陽舉人萬曆四十五年任欽州學  
正賦性端嚴議論侃直署州事廉明果斷興革鑿  
鑿有條如遷明倫堂計招賊首黃月明等尤其大  
者陞西寧知縣

舊志

何玉成字子純福建福清人進士天啟三年守廉  
州廉界銅柱交趾之間三村四崗時時反側玉成  
至拊循村崗設立邊防欽州劇盜德眞等擁衆跋  
扈撫按議剿玉成獨持不可乃密諭甯應龍兄弟

欽州志

卷八

宦蹟

十五

許以破賊貫其罪應龍結諸生余夢麟輩竭力反  
間賊自相戕不月餘授首制府薦於朝時粵西中  
丞欲開欽州道以通安南玉成力爭之遂乞歸

阮通

志府志  
參輯

施沛字笠澤華亭恩貢天啟五年通判廉州府署  
欽州事首建文廟於舊址高岡前作養學校凡里  
甲答應及錢糧火耗鑿字悉蠲除之又詳革斗級  
計擒賊首甯一龍等修造渡船上時務議十二條  
皆切中時弊未幾丁艱去未竟厥志欽人立碑紀  
之

舊志

李五美字惠先號尊菴黃岡舉人天啟五年由輝



縣教諭擢欽守時苦山寇百姓流離賦稅半逋五  
美下車做渤海法請罷一切告捕者設營分兵戍  
之寇盜解散賦稅用登首葺學宮建文昌閣復東  
門子城豎歷代名宦鄉賢坊表及貞節等坊浚濠  
築壩兩年間州治改觀進諸生談經校藝修輯州  
志以存文獻革火耗清滯獄上官胥役到州騷擾  
詳文痛懲之不避嫌怨民賴安堵丁卯歲西狼趙  
永烈擁衆據河洲五美畫策堵禦驅逐兩院嘉之  
陞惠州府同知轉戶部員外郎士民遮攀不忍舍  
立祠勒石於鰲魚洲文昌閣之前舊志府志  
參輯

陳人傑字衡靈湖廣常德人天啟五年由指揮任

欽州志

卷八

宦蹟

十六

欽州守備溫恭冲抑重文崇儒韜畧出人意料時  
山寇猖獗廣設子營佐州籌畫防範嚴密驍勇異  
常身冒趙狼之險直搗其巢穴驅之去捐貲助修  
文昌閣人皆德之同上

劉襄字磐石荊州人三科武舉爲欽營把總管欽  
州大營饒有將才善方畧精武藝熟弓馬忠義自  
矢驍勇過人時山寇猖獗天啟五年襄率官兵捕  
剿身先士卒直搗巢穴擒賊首黃廣鑑陸世孟蒙  
召塘甯一龍等有功當道推重交薦因剿賊感冒  
暑毒病卒成神是日所乘白馬及衝鋒朱隊回營  
自斃通營皆見人馬往陣雲之中顯靈異常立祠

肖像於關帝廟旁凡出兵祭纛呼之則助陣勝敵

舊志

陳聯輝字少璧德慶州人歲貢天啟七年任欽州學正智識淵涵襟期豁達勤於課士束脩不校出金以貸貧士先是議建文昌閣於鰲魚洲以培風水前學正陳俊倡之而未就聯輝與州牧李五美實成之毅然以興起斯文爲任又申捐學舖稅五間以供祭祀每歲復捐田租百斗給守閣香燈亦不朽之偉績也以陞任去

舊志  
參府  
輯

楊爲楨雲南太和舉人崇禎二年知欽州渾厚精明爲政有體重道崇儒公暇與諸生講學課藝作

欽州志

卷八

宦蹟

十七

養人材嚴禁冒籍詳分土附議抽鹽餉建塔於陽江之岡與文筆峯對峙培鎖風水已成塔脚惜庫吏乾沒中止又建三元閣於文昌閣前設復平南浮橋通濟往來後陞陝西鞏昌府同知欽人立祠於渡頭祀之

舊志

許啟洪字任宇宜興舉人崇禎十五年由遂昌知縣陞知欽州直諒嚴峻明於大體人不敢干以私寓撫字於催科力請蠲免舊逋禁差役嚴書吏庶幾無訟之風政暇多吟咏講學誨人後陞惠州知府尋陞廣東提學副使欽人立祠於城內對陽坊有杜門集行世

同上

國朝

佟國勳正藍旗廕生康熙十八年知廉州府時海氛未靖盜賊踞龍門島爲巢穴國勳以前明重兵駐永安潭洲

國朝以總鎮駐廉郡城俱不得要領因與州牧馬世祿剴切上其事於督撫龍門設水師副將國勳之力也後以陞任去累官浙江巡撫

阮通志

喻三畏字念茲號同人遼東鐵嶺人順治十七年知欽州居心平恕潔己愛民革里甲之陋規除積年之蠹害兵燹後值歲饑恤災停徵申詳除荒奉准蠲免民命賴甦捐俸修學宮輯州志修城隍廟

欽州志

卷八

宦蹟

十八

建復天涯亭不勞民財爲政明而嚴胥吏無敢干法者禁冒籍息奔競禱雨雨應驅虎虎逃咸謂德政所孚云欽人勒石立祠於通衢

舊志  
參通志  
輯

馬世祿鑲黃旗廕生康熙十九年守欽州有經濟才時海寇跳梁世祿具陳佟太守國勳以龍門島爲賊巢穴守乾體不若守龍門宜設重鎮以扼其吭而據其險力請之督撫二十三年添設龍門水師副將數十年邊海寧謐世祿首建大策其功不

可沒也

府志

程鼎字鑄九四川忠州人由舉人任茂名令康熙三十一年擢州守興廢舉墜禮士愛民廉明敏幹

奸猾屏息各憲嘉獎兩委署府篆督提按臨以身  
獨任不忍勞民修兩廡櫺星門建東坡書院天涯  
亭設立義學以訓士詳免丈量以息民廣招徠勸  
墾闢絕苞苴凡利所當興弊所當剔無不毅然舉  
行以丁艱去士民立碑於天涯亭以誌去思焉

舊志

參輯

喬光先字懿公山西朔州人康熙三十七年知欽  
州義惠兼施剛柔互用普大公之懷以宣猷布化  
政簡刑清輕徭薄賦寓撫字於催科存忠厚於賞  
罰蒞任數年文武和衷兵民安堵學校以隆文教  
日興荒田墾闢雞犬不驚報最榮擢京都編氓攀

欽州志

卷八

宦蹟

十九

轅莫及爰勒諸碑存之於目益以思之於心用誌

甘棠之遺愛焉

據舊志碑文纂輯

董紹美字文若號西軒奉天鑲白旗人由監生議  
叙膺卓薦康熙五十九年擢知欽州和平勤儉屏  
絕苞苴憫民疾苦一切陋規槩行禁革舉積年相  
沿夙弊未結案件一一清除困憊立甦民有起色  
兩遇歲歉平糶賑濟居民被火給錢優卹久雨城  
崩倉廩倒塌俱捐貲修復捐田租以供義學之用  
立義塚以安無主之魂創貞節祠以培風化建鴻  
飛亭以復古蹟蒐輯州志而文獻足徵重修三賢  
祠天涯亭而前徽益著欽人傳其德政至今稱頌

弗哀

府志合  
參舊傳

劉業勤廣西桂平拔貢乾隆二十七年以候補知縣署州事持己以廉養民以惠尤加意學校鰲魚洲迴瀾書院舊有陳李用戶租穀一百石業勤惜其經費缺少乃清查被佔學田租穀三十六石親爲勘丈判歸書院又捐廉俸銀百兩存貯州屬中出息以備掌教薪水生童膏火之資又重修西樓關廟增建後殿及觀音堂興利除弊百廢具修題補龍川知縣去任州人士愛戴不忘設長生牌於觀音堂以誌去思

據書院碑採  
訪纂輯

康基田字仲耕號茂園山西興縣進士乾隆三十

欽州志

卷八

宦蹟

二十

七年以同知攝知州事治崇大體剖決嚴明吏不能欺政簡刑清愛民禮士以東坡鰲洲兩書院隔於城外乃於城內西南隅拓地建欽江書院日進生童而口講指畫不啻弟子之受業於師也諸生執經獻藝者見無期有若忘其爲刺史者素精形家言嘗謂科名之少緣所建造不合方位因度州之東南煙通嶺建文塔以迎秀氣修文廟鑿泮池以引吉泉戊戌己亥遂有入史館登賢書者州故多虎患從此斂跡遠竄踰年陞知廉府先是議開城西門以去任不果由知府洵歷河帥嘉慶八年陞廣東布政使司始奉准開通西門民甚便焉州

人詣省垣進謁者猶諄諄囑急塞石灘小江蓋基  
田在欽時曾議築堤堵塞之也及卒訃音至廉士  
民爲位哭之口碑至今猶載道云

府志合參  
採訪冊

邵應鳳浙江餘杭貢生乾隆四十一年知欽州居  
心平恕潔己愛民蒞任時值苦旱穀價倍昂窮民  
鬻子女而食餓莩載道應鳳目擊心傷憂形於色  
詳請發粟賑饑存活甚衆至今民猶頌之

府志

李戴春江西鄱陽拔貢乾隆五十三年知欽州以  
廉能著州人號爲李青天時值交趾寇邊道府提  
鎮按臨防禦使命旁午戴春躬詣夷界捍衛撫綏  
邊境賴以安輯捐修東坡書院以育人材勸民開  
墾力農以盡地利惠愛邊民有加無已去之日老  
幼擁道攀轅有出涕者

欽州志

卷八

宦蹟

二十一

堯懋德四川峩眉拔貢乾隆五十七年署欽州敏  
達廉能政持大體時文廟將圯捐廉倡率重建移  
崇聖祠於大成殿後以其地爲訓導署宮牆均增  
高峻殿宇煥然又修東坡書院禮士愛民州人至  
今思之

劉光暉大興吏員膺卓薦加知府銜嘉慶六年知  
欽州嫻於吏治聽斷明敏奸猾斂跡以城止東南  
二門南門尤低窪春夏雨集不便往來詳請開復  
西門士民稱便十二年南門子城崩塌捐廉建復

後署潮州府

朱依敬號禮庭廣西臨桂舉人嘉慶九年署州事  
畱心吏治緝盜安民時海賊陳得有劫西峴沙崙  
匪邱辰游梁大有等倡亂依敬率兵剿捕境賴以  
安平日尤加意學校以培植人材爲己任州治舊  
有文昌閣歲久頽廢捐廉倡建以振文風州人士  
至今頌之

田文燾河南固始舉人嘉慶十四年署欽州篆優  
於治理長於應變十五年海賊入寇州境文燾督  
率州紳鄉勇堵禦有方民用不擾

馬倚元號湘門湖南衡陽進士嘉慶十八年由合

欽州志

卷八

宦蹟

二十二

浦令擢陞欽州爲政和易不尙刑威持己以廉待  
士以禮尤加意作養人材有以文藝見者親爲評  
隲諄諄不倦欲捐貲建學舍於州署後岡以鼓舞  
多士適以考察去官未竟厥志去之日行李蕭然  
州人士擁馬送之咸垂淚焉

朱樨字星堂江蘇金壇監生嘉慶二十三年知欽  
州廉明果斷剔弊釐奸四境肅清捐廉倡率恭建  
萬壽宮重修東坡書院增添學舍並置田置舖收租息  
以贍膏火又重建先農祠改造城隍廟創建龍王  
廟修武帝廟貞節坊百廢畢舉擢知廉州府欽人  
立祠於書院左祀之

徐棻字時山順天通州廩生由議叙道光四年擢知欽州地屬邊郡土瘠民貧寬則慢猛則殘棻恩威並用剛柔得宜行之一年州境稱治以卓異保薦居官不名一錢尤加意農桑學校建豐備倉養正書院增添膏火惜年不永未竟其用以疾卒於官州人無不感悼

已上俱府志

胡敦黃新會舉人康熙四十一年任欽州學正課士有方任事竭力學宮自陳都督重修殿廡巍峩而廟外規模未極壯觀敦黃焦心苦慮破費不計拮据不遑與知府施世驥守備劉維翰經營鼎新明倫堂建儒學門及禮門義路二坊築東西圍墻

## 欽州志

### 卷八

宦蹟

### 二十三

學宮遂煥然改觀州舊存二賢祠祀張呂二公後廢而□張公入祀名宦祠敦黃乃重修林公祠附入呂公改曰三賢祠至今循其規制焉

據舊志洋池碑纂輯

楊森字槐庭大埔舉人乾隆四十四年任欽州訓導性醇學博課士先德行而後文藝與諸生接論文品詩惟勉其取法先民不徒以文章爲博取功名之具敦崇實學表正士習人奉之爲名師俸滿

## 陞瓊州府教授

府志

雲志達字翌章號石田瓊山拔貢中順天副榜充教習乾隆四十八年任欽州學正湛深經術課士論文一秉先民矩矱居官持正不阿士有屈抑者



必爲伸理有不率教者痛懲不貸人以此畏而愛之俸滿陞潮州府教授

李樹元字仲敏號拙齋澄邁拔貢充膳錄乾隆五十七年任欽州學正性情和平學問淵深工於楷法廉潔自持克敦師道學中貧乏者尤加意培植文廟日久將圯請於州牧公捐倡建俸滿陞雲南清鎮令

何廷瓚字玉沙徐聞人乾隆己酉拔貢廷試二等選教職壬子調欽州訓導才學優裕見義勇爲常以俸餘周恤諸生之貧乏者父某尤好義時重修文廟捐重金以助工貲俸滿後陞福建邵武令

欽州志

卷八

宦蹟

二十四

符家麟字書堂瓊山人由恩貢選保昌教諭嘉慶二年任欽州學正性情渾厚學問淹博加意作養人材士風丕振至今人猶思慕之

已上俱府志

鄭鎬福建晉安人以軍功授欽州州判康熙二十二年州牧馬世祿修州志鎬爲編輯悉心細閱補

闕正訛成十四卷爲董志之嚆矢焉

據舊志及通志纂輯

張濤浙江仁和拔貢嘉慶四年任欽州州判和平樂易愷悌廉明以地近夷疆聲教多阻課農桑明禮義以敦教養修衙署整儀仗以肅觀瞻開誠布公約身裕用百姓翕然向化邊境賴以寧謐

府志

朱軒字春甸安徽無爲州人順天供事嘉慶二十

三年任欽州吏目恭儉謙和勤於緝捕盜賊聞風  
斂跡地方賴以安輯佐州牧朱榷督理修建各工  
不辭勞瘁捐金置平南義渡經晝周詳必期歷久  
不敝民無病涉行旅稱便

陳璞甘肅迪化州人由烏魯木齊都統經承議叙  
嘉慶三年任欽州長整司巡檢勤慎廉幹除奸緝  
匪實力實心一方安堵俱同上

陳培祺號芝田遼陽人順治十七年任欽州城守  
遊擊謹斥堠嚴汛防修城池與州守喻三畏和衷  
協力悉心經畫保障邊疆暇率將校演武習射賞  
罰嚴明調征鐵山劇盜擒剿龍門海盜皆有功績

欽州志

卷八

宦蹟

二十五

捐俸助修文廟送古銅鼓入明倫堂修復三元閣  
束兵愛民尊賢禮士有古良將風欽人德之立碑

以紀其事

舊志  
參通  
輯

陳誥字禹夫號三陟福建侯官人康熙二十二年  
以功加左都督任欽州營遊擊時亂後兵驕誥恩  
威互用謹斥堠時簡閱紀律森嚴兵戢民懷尤敬  
禮儒生獨力捐貲修建文廟正殿兩廡戟門園橋  
名宦鄉賢神龕牌位皆躬親督理殿宇輝煌俎豆  
生光正己率屬廉惠嚴明謙和慈愛十六年如一  
日有古儒將風陞廣西永寧叅將以病乞休歸至  
龍川道卒兵民感激立祠肖像以誌不忘入祀名

宦  
同上

黃之榘江西新喻武進士乾隆二十八年任欽州營遊擊裕韜畧嫻文墨見義勇爲兵民畏服州城馬王廟暨東門堆卡皆捐廉建置之未嘗少吝自書匾額筆力遒勁今尙存志府

德敏滿州鑲黃旗人乾隆四十七年任欽州營叅將精能剛毅賞罰嚴明營伍整肅境賴以安後膺卓薦歷官廣東提督

紀鍾直隸晉州武進士由侍衛乾隆五十七年任欽州營叅將號令嚴肅賞罰公允尤重名節常以忠義勉其屬人多欽服捐俸重新文廟親爲督工

欽州志

卷八

宦蹟

二十六

始終不懈嘉慶二年因西蜀教匪未靖大憲以其雄畧素著調赴軍前征剿

盧呈瑞甘肅西寧人由行伍嘉慶七年任欽州營叅將有膽識裕韜畧賞罰嚴明人樂効用十一年署龍門協副將時值寇盜充斥洋匪張萬青等寇龍門入內港呈瑞設法堵禦民賴以全督令都司盧端率舟師出剿擒賊數十餘賊宵遁遂相度要害築城垣雉堞以資捍衛邊境肅清實受其福上已

俱府志

景慧

通志  
懋慧

福建汀州人雍正二年任龍門協副

將智勇過人忠誠自矢五年以巡洋遭風飄沒於

南沙尾洋面事聞照陣亡例廕贈後屢顯靈應每  
遇風濤舟人輒聞金鼓聲見神遊海上爲立祠祀  
之嘉慶十年夏海賊鄭能發等寇龍門聞賊初入  
時遙望各整臺軍容甚盛因不敢逼岸其實官兵  
時尙未集人咸以爲慧顯靈所致云

通志  
參府

孫宗夏浙江武狀元乾隆間任龍門協副將嫻武  
畧通文詞尤工書畫蒞任以來整飭戎行營伍嚴  
肅海盜聞風不敢入其境暇則以吟咏自娛有輕  
裘緩帶之風

府志

陳標河南武進士乾隆四十二年任龍門協副將  
值歲饑斗粟錢陸百匪徒將藉端行劫標設法巡

欽州志

卷八

宦蹟

二十七

邏嚴緝以弭其亂人不敢逞一方安堵

謝恩詔福建永春州人乾隆五十九年任龍門協  
副將瞻識兼全兵民愛戴請設營倉儲穀以裕兵  
食公派朋差定例以均苦樂兵丁永食其德

俱同

謫宦

唐

劉世龍并州晉陽人高祖鎮太原裴寂薦之甚見  
接待授銀青光祿大夫累遷太府卿封葛國公貞  
觀初轉少府監坐貴入賈人珠故出署丞廢為民  
徙嶺南欽州別駕

唐書劉文靜傳

高戩欽州長史張說配流欽州時戩謫長史與之  
交厚別後卒於端州說復賦詩悲感

黃通志

李樂貶遵化尉詔曰陳州刺史李樂詐盜受贓其  
數甚廣法司斷死國有常刑時屬發生特申寬典  
宜免死貶為欽州遵化尉員外置長任

唐大詔元宗詔令

欽州志

卷八

宦蹟

二十八

明

岳正字季方通州溇縣人正統戊辰進士天順元  
年遷修撰召見文華殿上數稱善遂入內閣正感  
上知遇銳意功業知無不言曹石怨之深會承天  
門災下詔責躬正視草歷陳弊政詞極切直遂有  
飛語指為謗訕謫欽州同知道經溇縣以母老畱  
閱月始行曹石之黨嫉邏者以私事中之逮繫詔  
獄拷掠備至遣戍肅州鎮彝所曹石敗釋為民憲  
宗即位以原職充經筵講官出知福建興化府

府志

流寓

隋

柳述字業隆河東解州人性明敏有幹畧涉文藝文帝時尙蘭陵公主攝兵部尙書上寢疾述與楊素元巖等侍疾時太子廣無禮於陳貴人上知而大怒令述召故太子勇素聞之與廣協謀行弑並殺勇煬帝卽位述坐除名與公主離絕徙龍川公主請與同徙帝不聽主憂憤卒述在龍川數年復徙寧越遇瘴癘死時年三十九

隋舊志引

唐

黨仁宏爲廣州都督坐枉法聚財百餘萬當死太

欽州志

卷八

宦蹟

二十九

宗哀之免爲庶人徙欽州

通志引冊

初高祖入關

仁宏有功至是坐贓上欲宥之召五品以上謂曰法者人君所受於天不可以私今朕私仁宏而欲赦之是自亂其法上負於天乃詔曰朕有三罪知人不明一也以私亂法二也善之未賞惡之未除三也於是黜仁宏爲庶人徙欽州

舊志引鑑

徐齊聃字將道湖州長城人八歲能文舉宏文生調曹王府參軍高宗時累遷蘭臺舍人以漏洩機密左授蘄州司馬俄又坐事配流欽州咸亨中卒

通志引唐書

韋元貞初爲普州參軍以女爲皇太子妃擢拜豫

州刺史中宗嗣位妃爲后及帝降爲廬陵王元貞配流欽州而死中宗復位追贈元貞爲上洛郡王

加賜爲酆王

通志引  
舊唐書

張說字道濟益陽人後徙洛陽武后時擢鳳閣舍人張易之誣陷御史大夫魏元忠稱其謀反引說爲助令證其事說至后前揚言元忠實不反此乃誣搆耳忤后旨配流欽州說在嶺外歲餘中宗卽位召還拜兵部員外郎累轉工部侍郎元宗時累遷中書封燕國公諡文貞入祀名宦

舊志通  
參輯

房融河南人武后時以正諫大夫同鳳閣鸞臺平

章事長安末嘗知南銓在廣州時值天竺僧般刺

欽州志

卷八

宦蹟

三十

密諦三藏持楞嚴經梵本浮南海而至融就光孝寺譯出而筆授之今寺中有筆授軒云神龍元年五月經成入奏適武后崩融以親附易之兄弟長

流欽州

通志  
參府  
輯

崔神慶明經舉長安中累轉禮部侍郎俄歷司刑司禮二卿嘗受詔推張昌宗而竟寬其罪神龍初昌宗等伏誅神慶坐流於欽州尋卒明年緣昌宗

被流貶者例皆雪免贈幽州都督

舊唐書  
本傳

宋之問字延清一名少連虢州宏農人弱冠知名尤善五言詩累轉尙方監丞左奉宸內供奉張易之兄弟雅愛其才之問亦傾附焉景龍中轉越州

長史睿宗卽位以之間嘗附張易之武三思配徒  
欽州先天中賜死於徙所之間再被竄謫經途江  
嶺所有篇詠傳布遠近友人武平一爲之纂集成  
十卷傳於世

舊唐書  
本傳

姜皎秘書監開元十年坐漏洩禁中語中書令張  
嘉貞希王守一意構成其罪配流欽州行至汝州

而卒

舊唐書  
姜皎傳

宋

牛冕字君儀徐州彭城人咸平元年選知益州兩  
川自李順平後民罹困苦未安其業朝廷緩於矜  
恤故戍卒乘符昭壽之虐嘯集爲亂冕與轉運使

欽州志

卷八

宦蹟

三十一

張適委城奔漢州詔遣赴闕至京兆劾其罪並削  
籍流儋州冕後遇赦移欽州歷鄂海二州別駕淮

南節度副使

宋史  
本傳

蘇軾字子瞻號東坡眉山人哲宗時除翰林學士  
居一年以龍圖閣學士知杭州紹聖初草責呂惠  
卿制直言其罪章惇誣以訕謗貶知英州未幾再  
貶寧遠軍節度副使安置惠州二年復以瓊州別  
駕安置昌化軍元符三年五月詔量移廉州安置  
六月二十四日渡海由雷之興廉村白石場書壁  
間有清水南白石北此地嵯峨人不識之句至廉  
館於城中舊倅廳之右雅好山水遨遊欽靈遍訪



古蹟所至黃童白叟簇擁隨之舊志

按此傳董志載之或乃謂公並未到欽議欲刪去然前明嘉靖間林次崖先生於游魚洲建亭取公鴻飛那復計東西之句爲名曰鴻飛亭天啟時州牧李尊菴修鴻飛壩記云坡老之隄至今尙存國初程州牧建書院直以東坡名之而肖公像奉祀焉則公之遨遊是邦遍訪古蹟舊志之相傳必有所據似未可以一端之見而輕議去之也

程千秋爲西京制置使軍襄陽建炎初招降劇盜曹端桑仲未幾疑仲有異密檄端圖之及千秋所

欽州志

卷八

宦蹟

三十二

部俱爲仲所敗千秋棄城白金州入蜀桑仲遂據襄陽千秋謫欽州府志

魏安行大觀中爲京西轉運副紹興二十四年十二月以廣傳程瑀論語解秦檜疑其議已因毀之編管安行於欽州黃通志

呂祖泰字泰然河南人嘉泰中以布衣上書論趙汝愚有大勲不當以黨錮論韓侂胄有無君之心請誅之以防禍患書出中外大駭有旨配欽州軍城收管祖泰自分必死冀以身悟朝廷了無懼色既至府尹爲好語誘之曰誰教汝爲幸試言之吾且置汝祖泰笑曰公何問之愚也吾固知必死而

可受教於人且與人議之子尹曰汝病風喪心耶  
祖泰曰以吾觀之若今□□□氏得美官者乃病  
風喪心耳侂冑誅後特授□□郎監南嶽廟卒欽  
人立祠同張說並祀曰二賢祠後廢更附於林公  
祠春秋祀曰三賢祠

舊志

胡夢昱以大理評事上書言濟王之不幸爲御史  
梁成大所劾移欽州編管未行以病卒

同上